



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

N 1114-Ա/2

10.06.2022թ.

**ԱՊՀ ԵՐԿՐՆԵՐԻ ՄԻՋԱԶԳԱՅԻՆ ՀԱՄԱԺՈՂՈՎ «ՍՈԼԻԴԱՐՏ. ԺԱՄԱՆԱԿԱԿԻՑ
ԱՐՎԵՍՏԸ ԵՎ ՊԵՏԱԿԱՆ ԿԱՌԱՎԱՐՈՒՄԸ» ՀԱՄԱԺՈՂՈՎԻ ԻՐԱԿԱՆԱՑՄԱՆ
ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ ԱՊՀ երկրների միջազգային համաժողով «Սոլիդարտ. ժամանակակից արվեստը և պետական կառավարումը համաժողովի իրականացման նպատակով՝

Հ Ր Ա Մ Ա Յ ՈՒ Մ Ե Մ՝

1. Հաստատել ԱՊՀ երկրների միջազգային համաժողով «Սոլիդարտ. ժամանակակից արվեստը և պետական կառավարումը» համաժողովի իրականացման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» օրենքի N 1 հավելվածի N 2 աղյուսակի «1168 Արվեստների ծրագրի» «11005 Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ ԱՊՀ երկրների միջազգային համաժողով «Սոլիդարտ. ժամանակակից արվեստը և պետական կառավարումը») հատկացնել 5844.0 հազար (հինգ միլիոն ութ հարյուր քառասունչորս հազար) դրամ՝ ԱՊՀ երկրների միջազգային համաժողով «Սոլիդարտ. ժամանակակից արվեստը և պետական կառավարումը» համաժողովի իրականացման ծախսերն ապահովելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Օրացույց. Գիտաստեղծագործական նախաձեռնությունների միավորում» հասարակական կազմակերպությանը հատկացնելու մասին պայմանագիր (այսուհետ՝ պայմանագիր):

4. Նախարարության արտաքին կապերի և սփյուռքի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

Հավելված
ՀՀ կրթության, գիտության,
մշակույթի և սպորտի նախարարի
« » « 06 » 2022 թ.
N Հրամանի

ԾՐԱԳԻՐ

ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և
պետական կառավարումը» համաժողովի

1. Կազմակերպության անվանումը

«Օրացույց. Գիտաստեղծագործական նախաձեռնությունների միավորում» ՀԿ

2. Կազմակերպության գտնվելու վայրը

ք. Երևան, Հանրապետության 82, 8

3. Ծրագիր

ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և
պետական կառավարումը»

3.1 Բովանդակությունը

«ՍոլիդԱրտ» ժամանակակից արվեստ և հանրային կառավարում» միջազգային
սեմինարը նվիրված է ԱՊՀ երկրների կինոարտադրության խնդիրների բացահայտմանը,
և նպատակ ունի դառնալ նոր հարթակ տարբեր երկրների միջև ավելի արդյունավետ
համագործակցության և ընդհանուր շուկայի ստեղծման համար:

Երկխոսության ընթացքում կբարձրաձայնվեն մասնակից երկրների միջև
համագործակցության խոչնդոտները, ինչպես նաև հիմնական խնդիրների
պարզաբանման և հստակ ձևակերպման նպատակով փորձագետներն ու մասնակիցները
կբաժանվեն երկու խմբի՝

1. Օրենսդրական դաշտ և կառավարման համակարգ

2. Կինոարտադրանքի արտահանում, միջազգայնացում և վարձույթի միասնական
շուկայի ձևավորում

Սեմինարի վերջում փորձագիտական խմբերը կամփոփեն քննարկումների
արդյունքները, կարձանագրեն խնդիրները և կառաջարկեն դրանց լուծման
մեխանիզմները:

Սեմինարին կմասնակցի շուրջ 60 մասնակից 8 երկրից, այդ թվում՝ մասնակից
երկրների կինոարտադրության ոլորտը համակարգող պետական լիազոր մարմինների,
կինոկենտրոնների, կինոմիավորումների և կինոկազմակերպությունների
ներկայացուցիչներ:

Մասնակից պետություններն են՝ Հայաստանի Հանրապետություն, Ռուսաստանի Դաշնություն, Բելառուսի Հանրապետություն, Ղազախստանի Հանրապետություն, Ղրղզական Հանրապետություն, Մոլդովայի Հանրապետություն, Տաջիկստանի Հանրապետություն, Ուզբեկստանի Հանրապետություն, Լիտվայի Հանրապետություն:

3.2 Նպատակը

- Ստեղծել նախադրյալներ՝ պետական կառավարման մարմինների, կինոլորտի կազմակերպությունների և մասնավոր հատվածի միջև երկխոսությունների հաստատման և արդյունավետ համագործակցության,
- Ստեղծել փորձի փոխանակման հարթակ՝ մասնակից երկրների պետական կառավարման մարմինների և կինոլորտի կազմակերպությունների միջև,
- Նպաստել կինոլորտի կազմակերպությունների գործունեությունը կարգավորող գործող օրենսդրության բարեփոխումների իրականացմանը,
- Մշակել պետական կառավարման մարմինների և կինոլորտի կազմակերպությունների միջև համագործակցության միասնական մոդել, որը հարմար է բոլոր մասնակից պետությունների համար (ԵԱՏՄ, ԱՊՀ, Բալթյան երկրներ, Վրաստան և Ուկրաինա),
- Ձևակերպել համատեղ ստեղծագործելու խնդիրները և հնարավորությունները:

3.3 Անցկացման վայրը

Երևան, «Հայաստանի պետական ֆիլիարմոնիա» ՊՈԱԿ-ի փոքր սրահ

3.4 Անցկացման ժամկետները

2022 թվականի հունիսի 21-ից 26-ը

3.5 Ակնկալվող արդյունքներ

- պետական կառավարման մարմինների, կինոլորտի կազմակերպությունների և մասնավոր հատվածի միջև երկխոսության հաստատում.
- ԱՊՀ շրջանակներում համագործակցության խթանում.
- ԱՊՀ երկրների պետական կառավարման մարմինների և կինոլորտի կազմակերպությունների միջև փորձի փոխանակման հարթակի ստեղծում.
- օրենսդրության բարեփոխումների խթանում.

3.6 Ոչ ֆինանսական ցուցանիշներ

1 սեմինար, շուրջ 60 մասնակից, 8 մասնակից պետություն